

مکرمات

ادبی و سیاسی رسالهٔ اسبوعیه در

۳۱ نجی سنه

جزو عدد : ۱۳۰

پنجشنبه

۲۸ محرم ۱۳۳۰

ایلكار

۱۲۸ نجی نسخده مبعوثانده (ایلك) لر عنوانی آلتنده اسمایسنی قید ایتدیگمز مبعوثان ایله وقایع صرہ سندنه بعض ذوات وحالاتک ذکر و تعیینندنه ذهول ایدلمش اولدیغندن ، بالآخره تخطر اولنانلریخده آتی یه قید ایلدک .

کچن دفعه جمال و روحی بککر ایله داغا-
واریان افندی ایلك کستور اوله رق قید ایدلمش
ایدی . حال بوکه ایلك کستور لر سپروز
مبعوثی مدحت و طاشلیجه مبعوثی وصفی بککر
ایله مناسر مبعوثی پانچه دوروف افندی
اوله رق، فقط اون بش کون صکره استعفا
ایتمش ویرلرینه یوقاریکی ذاتلر تعیین ایدلمش
اولماریندن طولایی اونودلمشدر .

ایلك کستور لر

مجلس مبعوثانی محافظه یه مأمور اولان طابوره
مجلسک کشادنده طاشلیجه مبعوثی بیگباشی
وصفی بک قوماندان انتخاب و تعیین ایدلمشدر .

ایلك عساکر محافظه قوماندانی

سینوب مبعوثی دوقتو رضا نور بک .

ایلك جمعیتدن استعفا وایلك مخالفت
اظهاسار وایلك آوانس صورتیه
استقراضه مخالفت ایدن ، ایلك دفعه
سلطان عبدالحمیدک ثروتی حقنده تقریر
ویرن مبعوث :